

**DE INEFFABILI
TRINITATIS
MYSTERIO ORATIO
HABITA IN SACELLO
PONTIFICIO ... A...**

Paolo Ciogni



THE
JOURNAL OF THE
ROYAL ANTHROPOLOGICAL INSTITUTE
OF GREAT BRITAIN AND IRELAND
VOLUME 30
PART 1
1900
PUBLISHED BY THE
EDUCATIONAL SOCIETY
LONDON
PRINTED BY
HARRISON AND SONS
ST. MARTIN'S LANE
LONDON

(III)

Sanctissimo Domino Noſtro

CLEMENTI XIII.
PONTIFICI MAXIMO.

PAULUS CIOGNI
FELICITATEM.




ON mediocri letitia perfundor, CLEMENS
PONTIFEX MAXIME, me tibi, quam habui
Oratiunculam de inenarrabili TRINITATE in
amplissimo, & celsissimo loco tuæ Dignita-
tis, hanc tuis pedibus humiliter advolu-
tum offerre posse. Nam si pro tua in omnes
benignitate, & clementia id genus lucubrationum minime
dedigneris, quæ tuo in Sacello prolata se posthac tibi sistunt
gratiores, atque acceptiores; hæc profecto mea, quantula-
cumque est, non timere modo tuam offensionem, sed ne ve-
reri quidem debet. Suam enim exilitatem illius argumenti
dignitate compensat, quod & ceteris omnibus tanto prestan-
tius est argumentis, quanto TRINITATIS mysterio cetera
Religionis nostræ minora esse videntur; & quo nullum aliud
tibi antiquius esse ab usque tui Pontificatus exordio pro viri-
li parte terrarum orbi declarasti. Qua de re cum mecum
A 2 initio

initio ageretur, refugiebam equidem tanti argumenti magnitudinem, timore salutari percussus, ne quisquam me adolescentie iure succenseret, si cum a ceteris rebus satis tenuiter instructa, tum in hoc genere penitus rudis, ad dicendum de rebus tam eximiis, tam arduis, ac omnino divinis aggredereetur. Sed subiit animum cogitatio pulchros, ac jucundos hominum oculis esse in Tabulis prospectus nubibus interjectis aliqua ex parte impeditos, quibus alicujus edificii, aut oppidi nonnulla sese ferunt obvia vestigia: hinc potuisse me nulla audacia nota inuri, si plurima neque obscura, neque inelegantia Divinae TRINITATIS indicia, & quasi admirabiles adumbrationes in lucem, & in adspectum protulissem, quas Patres post hominum memoriam doctissimi, atque sanctissimi inter mysticas Legis caeremonias, & multiformes Prophetarum visiones summa cum voluptate, & veneratione contemplati sunt. Sic facile diligens Christianus agnoscat (utar enim Magni Doctoris, ac Pontificis verbis) initia veteris Testamenti Evangelicis ministrasse principiis, & ab eodem Spiritu conditum fœdus secundum, a quo primum fuerat institutum (a). Has igitur TRINITATIS figuras quibusdam veluti tenebris obvolutas si tibi pro meo modulo exposui, BEATISSIME PATER, equi bonique consulas supplex peto, atque obtestor; minime id quidem, quo te commonefacerem, sed quia libenter feci, ut cujus Mysterii maiestate, & fide te vehementer affici constat, ipsarum ejusdem figurarum animum tuum jucunda commemoratione delectarem. Te DEUS Optimus Maximus plusque sospitet, & ut mihi, & contubernalibus meis Apostolicam Benedictionem impertiaris, etiam atque etiam obsecro.

ORA-

(a) S. Leo Papa Serm. 1, de Pentec.

(V)



ORATIO.



I sustinendi muneris propter imbecillitatem difficultas, BEATISSIME PATER, maxime cadit in hunc majestatis, & venerationis plenissimum locum, hodierna ego die, ut de summo Divinae TRINITATIS arcano aliquid brevissime differam, quo me vertam, nescio.

Nam istud cogitanti mihi, & animo contemplanti subito ob oculos erumpere videntur aquæ illæ (a), quas Ezechiel mirifice desilire vidit ex adytis Templi, & magis magisque increbrescentes in rapidum ac magnum torrentem intumescere, cujus non tangenda vada nusquam homini datum est transilire, & cujus perpetuo ripa arboribus pomiferis utrinque ridet, quorum fructus in cibum maturant, & folia in medicinam virescunt. Quamobrem non si tantam aquarum vim trans-

A 3

nare

(a) Ez. XLVII.

nare audeat, sed hosce fructus delibans, & isthæc folia decerpens, figuras quasdam, ac præsignificationes hujus augusti Mysterii in veteri Testamento adumbratas depromere solummodo conetur, quæso, mea benigne, ac placide excipiat^r Oratio.

Animum hominis ad exemplar divinitatis expressum hæc inexhaustum TRINITATIS Thesaurum vel ex parte, vel per speculum, & in ænigmate intuitum nonnumquam fuisse, ab illo præcipue hujus universitatis parente, ac opifice DEO illustratum, neminem arbitror latere, qui libros divinitus exaratos degustare insueverit. Quis enim conjicere non potest fidem de TRINITATE tunc animo non imbibisse Noe (a), quando Arca, DEO sic probante, consensa una cum tribus Filiis per horridæ diluviei gurgites incolumis evasit; aut Isaac (b), quando tres pureos effodit, aut Joseph (c), quando in una vite tres intellexit emergere palmites, aut Moysen postremo (d), quando tres præclaras instituit solemnitates, ad quas omnes Jūdæi convenire debebant; seu quando tribus acceptis suæ missionis signis (e) se Pharaoni sistens, DEUS, inquit Hebræorum vocavit nos, ut trium dierum (f) viam in solitudine ingrediamur? nimirum ut per fidem TRINITATIS, a quo perëgrinamur, dum sumus in corpore, quemadmodum ait Divus Paulus (g), illi fervientes adhæreamus, ejusque tantum gloriæ velificemur, æternam posthac in Cœlis adepturi felicitatem.

Sed insigne TRINITATIS monumentum est, jam usque a Mundi ductum incunabulis, homo, quo ab auctore,

(a) *Gen. VII. 13.* (b) *ibid. XXVI.* (c) *ibid. XLI.*

(d) *Num. XXIX.* (e) *Exod. IV.* (f) *Ibid. V. 3.*

(g) *2. Cor. V. 6.*

(VII)

ctore, & effectore. DEO inter ea, que cadunt sub sensus, nihil pulchrius, nihil potius, nihil divinius ne votis quidem conceptis optari potest. Homini enim velim memoriam recordemini ultimam: inde usque repetentes non obscure cognoscetis DEUM sane neminem alium consuluisse, quam semetipsum, cum dixit: faciamus hominem (a); nec alium, quam semetipsum compellavisse, aut alterum quidem semetipsum, ad cuius imaginem hominem effinxit; illum scilicet, per quem omnia facta sunt (b), illum, qui in Evangelio testatur, quæcumque Pater facit, hæc & Filius similiter facere (c): ac proinde Pater suum Natum invitans alloquitur, eodem temporis puncto Spiritum Omnipotentem alloquitur, qui ab utroque procedens tam similis, tam par utrique est, ut Pater & Filius, ipseque Spiritus unum proprie & dicantur, & sint. Ea igitur verba omni prædicatione maiora, non quibusdam Angelis a DEO facta, sed alijs quidem Personis sibi consubstantialibus, & pluralitatem earundem Personarum, cum dicitur *faciamus*, & unitatem naturæ, cum subjungitur, *Ad similitudinem nostram*, præferentia, jure, ac merito tanquam præclarum TRINITATIS testimonium a Patribus adhibita sunt contra quemdam, ab Ario missum Philosophum, qui habito Nicææ Concilio interfuere.

Utuntur quoque majores nostri exemplo Adami, Evæ, & Seth hanc ad rem difficilem, immensamque, imo vere inexplicabilem aliqua ratione explanandam, in quibus eadem quippe natura subsistebat diverse, ceu in fonte in Adamo, & tamquam ab Adamo accepta in Eva, & in Seth tandem uti ab utroque proficiscen-
te.

(a) *Gen. I. 26.* (b) *Joan. I. 3.* (c) *Ibid. V. 19.*

(VIII)

re. Verum longe melius symbolice expressit æternæ TRIADIS unitatem ternio ille Angelorum, qui ad hospitalitatem commendandam, ut loquitur Apostolus (a), pientissimo Patriarchæ Abraham in Mambre convalle apparuere, quos ipse in singulari salutans, Domine, dixit, si inveni gratiam in oculis tuis (b): atque adeo tres vidit, & unum adoravit. Nullum tamen luculentiorẽ TRINITATIS testem mihi videre videor, quam quotiescumque illud nomen mihi venit in mentem, quod Moyse fatetur, se habere ille, qui est, se nempe DEUM Abraham, DEUM Isaac, & DEUM Jacob nuncupari (c) Quid enim? Nomen ne singulariter positum unam sane naturam, trinaque illa nominis DEI repetitio tres ejusdem TRINITATIS Personas nobis pulcherrime non declarat? Præterquamquod Abraham plenus dierum Patrem (d) æternum Antiquum dierum a Daniele appellatum (e); Isaac ad mortem usque obediens (f) Filium, qui usque ad mortem obediit (g); & Jacob pulchræ Rachelis amator (h) sanctissimum Spiritum repræsentat, qui non persona modo, verum etiam natura amor est, atque animarum suæ charitatis igne fervescentium amantissimus Sponsus. Hic etiam ea juvat meminisse, quæ in Arca prisce fœderis asservabantur, hyeroglyphicas TRINITATIS notas fuisse (i): namque a virga significabatur potentia, quæ Patri tribuitur, a tabulis Legis Sapientia, quæ tribuitur Filio, & a manna propter saporis dulcedinem suavissima charitatis unctio, quæ diffusa est in cordibus nostris per Spiritum Sanctum, qui
datus

(a) *Hebra. XIII. 2.* (b) *Gen. VIII.* (c) *Exod. III. 6.*

(d) *Gen. xxv. 5.* (e) *Dan. V.* (f) *Gen. xxii.*

(g) *Philipp. II. 8.* (h) *Gen. xxix.* (i) *Exod. xvi. 33.*

Num. xxvii. 10. Dent. X. 5.

datus est nobis (a) . Quid vero dicam de benedicendi filiis Israel ratione , quam DEUS Sacerdotibus præscripsit ? Præstat nunc eadem verba in medium adferre , ex quibus TRINITATIS Sacramentum graphice delineatum præmonstrari facile quispiam potest intelligere . Benedicat tibi Dominus , debebat Aaron dicere Israeli (b) , & custodiat te : ostendat Dominus faciem suam tibi , & misereatur tui ; convertat Dominus vulgum suum ad te , & det tibi pacem . Nonne omnia hic trina animadvertere par est ? Trias versuum , trina nominis tetragrammati repetitio , trium primorum digitorum elevatio in ejusdem nominis pronuntiatione , & Patris simul Omnipotentis custodia , & Nati sui sanguinis pretio totum Mundum redimentis misericordia , & pax denique Paracliti vivificantis ?

Ne longum faciam illa animalia silentio præterunda esse duco , quorum Ezechiel (c) , & Apocalypsis (d) meminere , quæ plena oculis ante , & retro , Sanctus , Sanctus , Sanctus clamare nunquam cessantia , personarum triadem plane confitentur , essentiæque signant unitatem , invocantia dehinc Dominum DEUM exercituum , quemadmodum auribus olim accepit Isajas (e) . Prætereo quoque illud Psalmi : Verbo Domini Coeli firmati sunt , & Spiritus oris ejus omnis virtus eorum (f) ; quo quid clarius , quid apertius , quid securius individuae TRINITATIS arcanum indicet , nescio . Prætereo tandem Danielem illa magnificentissima visione (g) pulsatum , qua ante oculos ei obversabatur Antiquus dierum sedens , & facies ipsius splendescens , igneusque fluvius ab ejusdem facie promanans , Pater videlicet non senior , aut prior ,

(a) Rom. V. 5. (b) Num. VI. 24. 25. & 26. (c) Eze. I.

(d) Apo. IV. (e) Isa. VI. (f) Psal. 31. (g) Dan. VII.

prior , sed aliarum Personarum principium sempiternum , & Filius a Paulo vocatus splendor gloriæ , & figura substantiæ ejus (a) , & Sanctus Spiritus , qui ignis appellatur , igneque reapse Apostolorum corda complevit sacra Pentecostes die (b) , qui a facie Dei egreditur , nempe a Patre , Filioque procedit. Vos spectaculum illud animo , & cogitatione percurrite , cum ad candelabrum (c) manus hominis tres digitos habens , & incognitos characteres , mysteriisque refertos inscribens parieti visa est : Nonne hoc vobis spectantibus statim occurrit haud obscura TRINITATIS imago , in qua tres divinæ Personæ , non secus ac digiti in manu , eadem pollent natura ? qui autem digiti uti ad candelæ lumen conspiciebantur , ita fide facem lucente in hoc reductum , & interius divinitatis sacrarium penetrandum est : ac veluti inter tot , tantosque Babilonis sapientes solus inventus est Daniel Dei spiritu plenus ad abdita illas notas interpretandas idoneus ; ita mundana philosophia in TRINITATIS venerandæ a nobis , & colendæ nomine turpiter obmutescit , unusque unigena DEI hoc tantum , imperviumque Mysterium potest enarrare . Ego quidem profecto , cui non tam orationis requirendæ copia est , quam vestra satietas refugienda , honestis hujuscemodi cogitationibus libentissime immorarer , vobisque etiam ostenderem non in Templi tantum candelabro ex auro mundissimo conflato , tribusque calamis utrinque exporrecto , quorum singuli tribus quoque scyphis , totidemque sphærulis , liliisque constabant (d) , sed etiam in ipsius Templi admirabili , singularique structura (e) sic tria in atria divisi , ut primo secundum ,

(a) *Ad Hebræ. I. 3.* . (b) *Act. Apof. II.* . (c) *Dan. V.*

(d) *Exod. XXXVIII.* . (e) *Ezech. XL.*

(X I)

dum, & tertio duo priora clauderentur, unitatem DE I una cum Personarum TRINITATE, æqualitateque miſum in modum adumbratam fuiſſe, atque designatam. Sed ut finem dicendi faciam, temporis me ratio monet. Illud tantum addam nos lumine divini vultus ſignatos, atque adeo ſpeciem quamdam, ac formam TRINITATIS in tribus noſtræ animæ facultatibus quoquo modo deferentes, &, quod maximi momenti eſt, ſub Patris, & Filii, & Spiritus Sancti nomine, explicitaque invocatione renatos, & ad priſtinam, jam peccati labe deletam, pulcherrimam, tamque diu exoptatam imaginem revocatos, nos, inquam, acrius incendi, atque inflammiari neceſſe eſſe, qui non unum, ſed pæne innumerabiles auguſtæ TRIADIS typos, ac figuras non jam humanis ad exigui prædicationem temporis, ſed divinis ad omnem æternitatem litteris commendatas intuemur. Itaque perpetua ſit gloria, perenneque decus Unigenito quidem, qui eſt in ſinu Patris (a), qui nobis hoc maximum ſecretum protulit, ſuæque Religionis, cui nomina edidimus, tanquam firmum, ac ſolidum poſuit fundamentum; quique cum Patre, & Spiritu Sancto unus DEUS vivit, & regnat per innumerabiles myriadas ſæculorum.

(a) *Joan.* I. 18.

F I N I S .



2111